

MUZIČKA AKADEMIJA
UNIVERZITET U SARAJEVU



ACADEMY OF MUSIC
UNIVERSITY OF SARAJEVO

Realizacija projekta Budi student Muzičke akademije na jedan dan

Dojmovi učenika srednjih muzičkih/glazbenih škola, mart 2025. godine



UNIVERZITET U SARAJEVU – MUZIČKA AKADEMIJA
CENTAR ZA MUZIČKU EDUKACIJU

A: Josipa Stadlera 1/II, 71 000 Sarajevo, Bosna i Hercegovina | T: +387 33 200 299
T: +387 33 444 896 | E: info@mas.unsa.ba | W: www.mas.unsa.ba | ID: 4200494560171

Realizacija projekta *Budi student Muzičke akademije na jedan dan*

– dojmovi učenika srednjih muzičkih/glazbenih škola, mart 2025. godine –

Kroz projekt “Budi student Muzičke akademije na jedan dan” upoznali smo Muzičku akademiju u Sarajevu, te se susreli s profesorima svih nastavnih studija. Lijepo su nas dočekali i prihvatili kao svoje studente. Bili su na raspolaganju i odgovarali na sva pitanja koja su nas zanimala. Na kraju su nas upoznali s načinom rada Akademije i nastavnim planom i programom. Zahvaljujem se svim profesorima na profesionalnosti i gostoprimstvu. Lijep pozdrav!

Marko Nenad Dropulja 🎵 Srednja glazbena škola “Katarina Kosača Kotromanić”, Žepče, IV razred

Doček na Akademiji bio je jako zanimljiv i poučan. Dočekali su nas sa sonatom za violončelo D. Šostakoviča poslije čega je uslijedila individualna nastava klavira. Sve u svemu, jako zanimljiv i inspirativan dan na Akademiji, te se ovom prilikom zahvaljujem svima na profesionalnosti i znanju koje su nam pokazali. Lijep pozdrav!

Ivan Filipović 🎵 Srednja glazbena škola “Katarina Kosača Kotromanić”, Žepče, IV razred

Danas smo imali priliku biti dio programa “Budi student Muzičke akademije na jedan dan” u organizaciji Centra za muzičku edukaciju Muzičke akademije Univerziteta u Sarajevu. Imali smo priliku, kako i sam naziv kaže, ući u ulogu studenta i biti dio ove Akademije. Imali smo priliku slušati teoretske predmete koji nas zanimaju, te dodatno usavršiti vještine na našim instrumentima kroz individualnu nastavu na solističkim predmetima. Ostvarili smo divnu saradnju sa kvalitetnim profesorima i asistentima koji su nas srdačno dočekali i uputili u svoj rad kao i rad same Akademije i u sve mogućnosti prilikom studiranja. Ovaj program je mnogima pomogao u odabiru svog daljnjeg obrazovanja, a mnoge motivisao da se pripremaju za sam proces prijemnog ispita i studiranja upravo na ovoj Akademiji.

Anja Udovčić 🎵 Srednja muzička škola Zenica, IV razred

Danas smo bili na Muzičkoj akademiji Univerziteta u Sarajevu gdje smo učestvovali u projektu “Budi student Muzičke akademije na jedan dan”. Profesori i asistenti su nas divno dočekali i bili od velike pomoći u snalaženju tokom dana. Komunikacija sa profesorima na instrumentalnim i općim

muzičkim predmetima bila je odlična i saznali smo mnogo toga o predavanjima i značaju različitih predmeta za naše muzičko obrazovanje.

Ilma Talić 🎵 Srednja muzička škola Zenica, III razred

Učešćem u realizaciji projekta “Budi student Muzičke akademije na jedan dan” doživjela sam nevjerovatno iskustvo koje je samo dodatno potaknulo moju želju da upišem Smjer dirigiranje. Posjetile smo razne časove, od kojih je svaki bio interesantan na svoj način i ostavio dubok dojam. Među časovima koje smo obišle bili su Dirigiranje, Muzikologija, Etnomuzikologija, Kompozicija, Muzički oblici i stilovi, Harmonija, Solfeggio i Metodika muzičke nastave.

Profesori su se činili izuzetno ljubazni, stručni i strastveni u svom radu, što je dodatno potaknulo moj interes. Svaki čas imao je svoju posebnu dinamiku i način na koji su profesori pristupali učenju, a atmosfera na Akademiji bila je vrlo prijatna i inspirativna. Na svakom koraku osjećalo se veliko poštovanje prema muzici i struci koju profesori predstavljaju.

Organizacija projekta bila je besprijeekorna. Bilo je očito da je Akademija jako posvećena tome da posjetitelji dožive najbolje moguće iskustvo i dobiju potpuni uvid u ono što će ih čekati ako odluče studirati tamo. Zanimljiv trenutak bio je i kada smo sreli nekoliko prijatelja koji već studiraju na Akademiji. Ispričali su nam kako im je studiranje na Muzičkoj akademiji Univerziteta u Sarajevu predivno iskustvo, a njihova strast prema muzici bila je zarazna.

Već imam veliki interes za upis na Muzičku akademiju, a ovaj dan mi je samo dodatno pojačao želju i uvjerenje da je to pravi izbor za mene. Dirigiranje je smjer koji želim upisati, i sigurna sam da će mi Muzička akademija omogućiti da razvijem svoje sposobnosti i ostvarim svoje ciljeve u svijetu muzike.

Tajra Halilović 🎵 Srednja glazbena škola Jakova Gotovca, Novi Travnik, IV razred

U okviru posjete Muzičkoj akademiji u Sarajevu imali smo priliku biti studenti na jedan dan. Slušali smo sate sa studentima, razgovarali i družili se, stvorili smo sliku kako to izgleda studirati na Akademiji. Zainteresiranost profesora za učenike i predmete koje predaju je dodatno potaknulo moju želju za studiranjem.

Doris Popović 🎵 Srednja glazbena škola Jakova Gotovca, Novi Travnik, IV razred

Posjetio sam Muzičku akademiju kako bih upoznao glazbeni život tamo. Sudjelovao sam na radionicama s profesorima i stekao vrijedan uvid u njihov rad. Kroz praktične vježbe i stručne savjete, bolje sam razumio metode podučavanja i umjetnički pristup glazbi. Akademija zrači kreativnom atmosferom, a profesori su vrlo posvećeni svom radu. Radionice su mi omogućile da proširim svoje znanje i steknem novo iskustvo. Ovo mi je bilo dragocjeno iskustvo koje mi je dodatno približilo svijet profesionalne glazbe.

Nikola Pendeš 🎵 Srednja glazbena škola Jakova Gotovca, Novi Travnik, IV razred

Posjeta Muzičkoj akademiji u Sarajevu bila je jako korisno i zanimljivo iskustvo. Imali smo priliku vidjeti kako se odvija nastava, upoznati profesore i osjetiti atmosferu koja vlada među studentima. Ova posjeta mi je dala jasniju sliku o tome šta me čeka ako se odlučim za upis, a posebno me motivisala posvećenost i profesionalnost profesora te mogućnosti koje Akademija nudi.

Sanja G. Gazibarić 🎵 Srednja glazbena škola Jakova Gotovca, Novi Travnik, IV razred

Već treću godinu dolazim u posjetu Akademiji u okviru projekta “Budi student Muzičke akademije na jedan dan”. Svake godine iskustvo je prelijepo, uvijek smo ugodno dočekani. Radujem se i nadam se da ću uskoro biti student Muzičke akademije Univerziteta u Sarajevu.

Naida Šaldić 🎵 Srednja muzička škola “Čestmir Mirko Dušek”, Tuzla, IV razred

Iskustvo je bilo izuzetno inspirativno. Od samog dolaska, dočekani smo s toplinom i otvorenosti, što je odmah stvorilo ugodnu atmosferu. Imali smo priliku prisustvovati različitim predavanjima i časovima, što nam je omogućilo da iz prve ruke vidimo kako izgleda nastava na Akademiji. Profesori i studenti su bili izuzetno susretljivi i spremni podijeliti svoja iskustva, što nam je dodatno približilo život i rad na Akademiji. Ovo iskustvo nam je dalo jasniju sliku o studiranju muzike i motivisalo nas da još ozbiljnije razmotrimo ovaj put u budućnosti.

Amina Ahmetović 🎵 Srednja muzička škola “Čestmir Mirko Dušek”, Tuzla, IV razred

Posjet Muzičkoj akademiji u Sarajevu je uvijek predivno iskustvo. Profesori su jako posvećeni i puni korisnih savjeta. Njihovo znanje i podučavanje definitivno mi je pomoglo u daljnjem sviranju. Atmosfera na Akademiji je posebna, a još je posebnije što su svi susretljivi i željni pomoći, od profesora pa do studenata.

Marija Danijela Glavaš 🎵 Glazbena škola Široki Brijeg, IV razred

Posjet Muzičkoj akademiji u okviru projekta “Budi student Muzičke akademije na jedan dan” bio je nezaboravno iskustvo. Akademija nudi smjerove iz različitih područja glazbe. Osjećali smo se kao da smo dio jedne velike glazbene obitelji koja dijeli istu strast i ljubav prema umjetnosti. Ovaj projekt nam je pružio priliku da okusimo život studenta i doživimo atmosferu Akademije.

Maja Sopta 🎵 Glazbena škola Široki Brijeg, III razred

Nedavno sam imala zadovoljstvo posjetiti Muzičku akademiju Univerziteta u Sarajevu povodom realizacije projekta “Budi student Muzičke akademije na jedan dan”. Studenti i profesori koje sam upoznala su bili veoma srdačni i gostoljubivi. Posebno me je dojmila bogata historija Akademije i strast za muzikom koja prožima svaki kutak institucije. Sve u svemu, moja posjeta je bila predivno iskustvo koje me je motivisalo da nastavim svoj muzički put.

Esma Habibija 🎵 Muzička škola I i II stupnja, Mostar, IV razred

Učešće u projektu “Budi student Muzičke akademije na jedan dan” bilo je nezaboravno iskustvo ispunjeno inspiracijom, učenjem i muzikom. Kroz divnu atmosferu Akademije, stekla sam nova znanja i doživjela čaroliju stvaranja i izvođenja muzike.

Sarah Suljić 🎵 Muzička škola I i II stupnja, Mostar, IV razred

Muzička akademija Univerziteta u Sarajevu ostavila je na mene snažan dojam, prije svega zbog atmosfere koja vlada u njenim prostorijama. Čim sam ušla, osjetila sam neku posebnu energiju – kombinaciju mira, kreativnosti i posvećenosti muzici.

Profesori su me posebno oduševili svojim pristupom. Bili su opušteni, pristupačni i spremni objasniti sve na jednostavan i razumljiv način. Osjetilo se da im je zaista stalo do studenata i da žele prenijeti znanje na način koji potiče ljubav prema muzici, a ne strah od učenja.

Sve skupa, Akademija ostavlja dojam mjesta gdje je muzika više od studija – ona je način života.

Ivana Boto 🎵 Srednja glazbena škola Ljubuški, III razred

U srijedu 26. 3. 2025. godine smo posjetili Muzičku akademiju Univerziteta u Sarajevu. Jako mi se svidjelo. Profesori s kojima smo bili su jako ljubazni i pristupačni. Pružili su nam priliku za rad s njima, pomogli nam i dali odgovore na sve naše upite. Nadam se ponovnom susretu.

Nikolina Šutalo 🎵 Srednja glazbena škola Ljubuški, III razred

U posjeti Muzičkoj Akademiji u Sarajevu bilo je vrlo zanimljivo, poučno i motivirajuće. Profesori su jako pristupačni i zainteresirani za svaku suradnju. Nadam se ponovnom dolasku.

Rahela Mustapić 🎵 Srednja glazbena škola Ljubuški, III razred

Odlično mi je bilo učestvovati u projektu “Budi student Muzičke akademije na jedan dan” na Akademiji u Sarajevu! Profesori su izvrsni, vrlo pristupačni i opušteniji nego što sam očekivao. Vrlo su prijateljski nastrojeni i imaju strpljenja za rad s nama.

Filip Dodig 🎵 Srednja glazbena škola Ljubuški, III razred

Mislim da je sve na Budi student Muzičke akademije na jedan dan bilo super. Osobno bih htjela da se više vremena posvetilo predmetima poput Solfeggia, Harmonije i Muzičkih oblika i stilova. Sve u svemu, odlično organizirano.

Marija Herceg 🎵 Srednja glazbena škola Ljubuški, III razred

Meni je u Sarajevu bilo stvarno lijepo, predavanja su bila zanimljiva. Najviše mi se sviđelo to što su profesori (iz klavira) dosta otvoreni i raspoloženi za razgovor i spremni objasniti sitnice. Drago mi je što sam otišla i provela dan u ovako lijepoj atmosferi.

Matea Rajič 🎵 Srednja glazbena škola Ljubuški, III razred

Projekt “Budi student Muzičke akademije na jedan dan” realizira Centar za muzičku edukaciju Muzičke akademije Univerziteta u Sarajevu, u saradnji s nastavnicima, saradnicima, studentima i alumnijima Muzičke akademije i srednjim muzičkim/glazbenim školama iz Bosne i Hercegovine. U okviru projekta, učenici i nastavnici srednjih muzičkih/glazbenih škola imaju priliku aktivno učestvovati u nastavnom procesu, upoznati nastavnike, saradnike, studente i alumnije Muzičke akademije, ostvariti nova poznanstva s nastavnicima i učenicima iz Bosne i Hercegovine, ali i steći širi uvid u rad i djelatnosti Muzičke akademije Univerziteta u Sarajevu. Projekt se u kontinuitetu uspješno realizira duži niz godina.

Tokom akademske 2024/2025. godine, u okviru projekta “Budi student Muzičke akademije na jedan dan”, Muzičku akademiju Univerziteta u Sarajevu posjetilo je oko 130 učenika i 15 nastavnika srednjih muzičkih/glazbenih škola iz Bosne i Hercegovine: Srednja glazbena škola “Katarina Kosača Kotromanić”, Žepče, Srednja muzička škola Sarajevo, (5. 3. 2025); Srednja muzička škola Zenica, Glazbena škola Jakova Gotovca, Novi Travnik, Muzička škola Trebinje, Srednja muzička škola “Čestmir Mirko Dušek”, Tuzla, (19. 3. 2025); Srednja glazbena škola Široki Brijeg, Muzička škola I i II stupnja Mostar i Srednja glazbena škola Ljubuški, (26. 3. 2025).

Šefica Centra za muzičku edukaciju Muzičke akademije Univerziteta u Sarajevu
van. prof. dr. Nerma Hodžić-Mulabegović